



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 80. Sacerdotes Verbum Dei absque speciali licentia annuntiare a Regina prohibiti.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

cio potiozem obtenturi sint partem, nec ultra subjiendi forent pleno laicorum arbitrio; cum hi per tot sæcula ab Ecclesiasticis dependere soliti nullam prætermiffuri forent occasionem, qua dominationis jacturam sarcire possent, si vel unquam Ecclesiasticis prævalendi ansam aucuparentur.

Sæcul. XVI.
A.C. 1559.

§. LXXX.

Sacerdotes Verbum Dei absque speciali licentia annuntiare a Regina prohibiti.

Priusquam omnes hæ novitates fuerant stabilitæ, quidam Ecclesiastici adversus eos, qui ejusmodi immutationes invehere cœperant, acriter declamabant; quapropter Regina prohibuit, ne quisquam sine licentia regio sigillo munita ad populum diceret: cum autem ipsa quoque vereretur, ne in suis ausibus per Clericorum comitia impederetur, hinc Ecclesiasticis una congregatis inibuit, ne ullos Canones, seu decreta conderent. Hoc Reginæ edicto, cujus injustitia omnibus erat manifesta, haud parum exacerbabantur inferioris Curix Patres: unde Orator, seu Præses nomine Harpsfeldius libellum supplicem a Deputatis Reginæ exhibitum concinnabat. In eo quinque Religionis Catholicæ articuli fuerunt stabiliti,

quo-

Sæcul. XVI.
A.C. 1559. quorum primus erat: Christus Dominus est corporaliter præsens in Eucharistia. II. In hoc Sacramento nulla alia adest substantia, nisi Corpus, & Sanguis Salvatoris nostri. III. In Missa datur Sacrificium propitiatorium pro vivis, & defunctis. IV. Sanctus Petrus, ejusque legitimi Successores Ecclesiam regendi, gregemque pascendi potestatem habent. V. Solis Ecclesiæ Pastoribus doctrinam definiendi, Sacramentorum administrationem præscribendi, ac divini officii Ordinem stabiliendi jus competit. Hic idem libellus ansam præbebat, ut ex quavis contendentium parte novem feligerentur Doctores, qui colloquio in Abbatiali Westmonasteriensi Ecclesia instituto utriusque partis rationes discuterent.

§. LXXXI.

Colloquium inter Doctores Catholicos, & Protestantos.

Porro ex Catholicis convenerant Episcopi Viacomienfis, Lichtfeldienfis, Cestriensis, Carieolanus, Lincolnienfis præter Colum, Harpsfeldium, Langdalum, & Chedseium Doctores: Protestantium vero nomine aderant Scorius antehac Cestriensis Episcopus, Coxus, Witeheadus, Grindalus, Hornius, Sandfes, Gueftus, Almerus, & Jewelus.
Hoc